

# UGOVOR

## O nabavci radova - izrada i postavljanje ograde

Zaključen dana 06.11.2017. godine u Podlugovima između ugovornih strana:

1. **JU Osnovne škole „Podlugovi“ Podlugovi - Ilijaš**, sa sjedištem ul. Žrtava genocida u Srebrenici br. 212, 71387 Podlugovi, Ilijaš, zastupane po direktoru Abadžija Admiru, ID broj: 4200101180003, ( u daljem tekstu: **Naručilac**)

2. **„Konkrit“ d.o.o. Sarajevo**, sa sjedištem u Sarajevu, u ulici Marka Marulića broj 2, kojeg zastupa Edhem Hodžić, direktor (u daljnjem tekstu: Izvođač), identifikacijski broj: 4200543790005, PDV broj: 200543790005, transakcijski račun broj: 3389002207712929 kod UniCredit Banke (u daljem tekstu: **Izvođač**).

### Član 1.

Ovim Ugovorom Izvođač se obavezuje da će za potrebe Naručioca izvršiti izradu betonskog sokla i izradu i ugradnju ograde na betonskom soklu, prema specifikaciji iz Aneksa 2 Tenderske dokumentacije – obrazac za cijenu ponude. Ugovor se zaključuje na osnovu Odluke o izboru najpovoljnijeg ponuđača broj: 01-1274/17 od 23.10.2017. godine i Ponude Izvođača broj: 100 -10/17 od 18.10.2017.godine izabrane od strane Naručioca putem Konkurentskog zahtjeva za dostavu ponuda.

### Član 2.

Izvođač se obavezuje da će radove iz člana 1. ovog Ugovora izvršiti kvalitetno i pravovremeno prema narudžbi ugovornog organa u vremenskom trajanju od 15 dana u skladu sa obrascem i specifikacijom za cijenu ponude.

### Član 3.

Cijena za izvršene radove iz predmeta ovog Ugovora iznosi 8.456,00 KM (slovima: osamhiljadačetiristotinepedesetšest 00/100) bez PDV-a ( Aneks 2), a 9.893,52 KM ( slovima: devethiljadaosamstotinadevedesettrikonvertibilnemarka i 52/100) sa PDV-om ( Aneks 1).

### Član 4.

Plaćanje ukupno ugovorene cijene sa PDV-om iz čl.3 ovog Ugovora Naručilac će izvršiti Izvođaču u roku od 15 dana uplatom na žiro račun broj: 3389002207712929 kod UniCredit Banke, po ispostavljenoj fakturi ovjerenom od strane Izvođača. U slučaju da se prilikom primopredaje radova, konstatuju nedostaci i odstupanja od tehničkih karakteristika datih u Ponudi broj: 100-10/17 od 18.10.2017. godine, Naručilac se obavezuje da će isplatu izvršiti odmah, a najkasnije u roku od 15 dana, nakon što Izvođač otkloni nedostatke konstatovane u zapisniku o primopredaji radova.

### Član 5.

Izvođač se obavezuje da će izvršeni radovi iz člana 1 ovog Ugovora biti traženog kvaliteta, odnosno kvaliteta koji je dao u svojoj ponudi, a koju je Naručilac odabrao kao najpovoljniju.

## Član 6.

Sva eventualna odstupanja i nedostaci, prilikom primopredaje radova konstatovat će se Zapisnikom o primopredaji istih.

Izvođač se obavezuje da će primjedbe konstatovane Zapisnikom o primopredaji otkloniti o svom trošku, a najkasnije u roku od 15 dana od dana potpisivanja navedenog Zapisnika.

Ako u navedenom roku Izvođač ne otkloni primjedbe konstatovane Zapisnikom o primopredaji, naručilac zadržava pravo da na račun Izvođača angažuje drugog subjekta za obavljanje navedenog posla.

## Član 7.

Ugovorne strane su saglasne sa primjenom odredbi Zakona o obligacionim odnosima i to u pogledu prava i obaveza i odnosa koji nisu regulisani odredbama ovog Ugovora, a koji nastanu u vezi i povodom izvršenja ovog Ugovora.

## Član 8.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješavanje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava BiH.

## Član 9.

Ovaj Ugovor sačinjen je u 4 (četiri) istovjetna primjerka od kojih 2 (dva) primjerka zadržava Naručilac, a 2 (dva) primjerka Izvođač.

Izvođač

„Konkrit“ d.o.o. Sarajevo

Edhem Hodžić, dipl.ing.grad.



Broj: 129-11/17

Podlugovi: 06.11.2017.godine

M.P

Naručilac

JU OŠ „Podlugovi“ Ilijaš

Abadžija Admir, prof.

Broj: 01-1330/17

Podlugovi: 06.11.2017.godine

